

EKIALDE HURBILA. Gutxienez israeldar bat eta ekintzaile palestinar bat hil dira Tel Aviv ondoan, atentatuan

ESANAK

GEORGE BUSH

(AEBetako presidentea)

«Israelek palestinarren erasoan aurka defendatu behar du bere herria»

«Ez da nazioarteko konferentziarik egingo, Palestinak bere jarrera aldatzen ez badu»

PAN

«Israelen helburu bakarra Palestinarenak diren lurak beragantzea da»



RON EDMONS / AP

Ariel Sharon Israelgo lehen ministroa eta George Bush AEBetako presidentea elkarrekin, herenegun.

PAN

Herrialde arabiarrei laguntza eskaera

AEBek nazioarteko konferentzia atzera bota ondoren, herrialde arabiarrei laguntza eskatzea erabaki du PANek. Jasser Abed Rabbo Kultura eta Informazio ministroaren arabera, «George Bush eta Ariel Sharonen arteko lankidetzak ikusirik, herrialde arabiarren laguntza da gure irtenbide bakarra».

Baina Palestinako Aginte Nazionala ez da izan AEBek hartutako erabakiaren aurka agertu den bakarra. Hamas erakundeak adierazi duenez, «Israelen helburu bakarra Palestina kontrolpean edukitzea da, eta Bushen horretarako behar duen laguntza ematen dio. Ondorioz, arabiar herrialdeekin negoziatzen hastea da gure irtenbide bakarra».

Sharonek nazioarteko konferentzia bertan behera uzteko babesak lortu du

Israelgo soldaduek Ramala hiria setiatu eta ehunka lagun atxilotu dituzte

Erredakzioa | DONOSTIA

Washingtonen izan da egunotan Ariel Sharon Israelgo lehen ministroa George Bush presidentearekin hitz egiten. Astelehenean egin zuten bi agintariek bilera, eta bertan Israelen aldeko adierazpenak egin zituen AEBetako presidentea. Bushen esanetan, «Israelek bere herria defendatzeko eskubidea du». Honekin batera, AEBetako presidentea adierazi zuenez, «ez da nazioarteko konferentziarik egingo, Palestinako herriak bere jarrera aldatzen ez duen bitartean».

Egun berean egitekoa zen erreformatu berria den Palestinako Gobernuaren bilera ere. Baina, PAN Palestinako Aginte Nazionalak bertan behera utzi behar izan zuen asmo hori, Israelgo Armadak Ramala setiatu zuelako. Atzo, oraindik, Ramalako kaleetan ikus zitezkeen soldadu israeldarren tanke eta auto blindatuak.

Bestalde, atzo arratsaldean Israelgo Herzliya herriko jate-txe batean izandako atentatu suizida batean gutxienez israeldar bat —nerabea— hil eta bederatzizauritu ziren —bat, larri—. Leherketa izan zen unean 30 lagun inguru zeuden Jamil Shwama izeneko jate-txean. Atentatu egilea ere hil egin zen.

Herzliya Tel Avivetik bost kilometrorira dagoen herria da, eta hau izan da bertan izan den lehen atentatua.

Jasser Abed Rabbo Palestinako Informazio eta Kultura ministroak adierazi zuenez, «ehunka lagun atxilotu dituzte soldadu israeldarrek azken egunotan». Iturri ofizialen arabera, soldaduek Jasser Arafat PANeko presidentearen kuartelaren inguruko etxeak hartu dituzte, eremu guztia hobeto kontrolatu ahal izateko.

Aste honetako istiluen ondorioz, lau palestinar hil dira —horietatik bi Israelekin kolaboratzeaz akusatuta— eta hiru israeldar zauritu. Iturri palestinarren arabera, Mohamed Al-Jamal 26 urteko gazteak Israelgo muga zeharkatzeko asmoa zuen soldaduek hil zutenean. Bestetik, ustez Israelgo zerbitzu sekretuentzat lan egiten zuten bi palestinarren gorpuak Hebronon agertu ziren atzo. Gaza inguruan, berriaz, soldaduek Hamas erakundeko ustezko kide bat hil zuten.

Atzo Hebronon izandako leherketa baten eraginez, hiru haur israeldar zauritu ziren. Hirurak Jerusalemgo erietxean daude. Iturri ofizialen arabera, horietako batek zauri larriak ditu.

Palestinako Aginte Naziona-

lak Israelgo Armada Zisjordanatik ateratzeko laguntza eskatu dio NBEko Segurtasun Kontseiluari. Komunikatuaren arabera, «Israelgo Gobernuaren helburua palestinarrenak diren lurak okupatu eta bertan bizi direnak torturatzea da, beren herria defendatzen ari diren aitazkiarekin».


Okupazioa

Egunotan, Israelgo soldaduak Belen eta inguruetan sartu dira, eta kontrol zorrotzak jarri dituzte Al-Khader eta Ad-Duha auzoetan. Ondorioz, bertako sarriera eta irteerak itxita daude. Honekin batera, Deheishako errefuxiatu guinea ere hartu dute soldaduek.

Astelehen goizaldean Ramalan sartu zirenetik 30 lagun atxilotu dituzte soldaduek. Institutu bat ere miatu du Israelgo Armadak eta bertako 250 ikasleri galdetaketak egin dizkie. Israeldarren arabera, ikasle horietako hirurogei talde armatuetako kideak dira, eta lau talde horietako buruak izan daitezke. Iturri palestinarrek adierazi dutenez, atxilotuetako bat Jamil Tafiri da, PANeko Gai Zibiletarako ministroaren semea.

Israelgo Armada atzo hasi zen Lerro Berdea delakoaren inguruan 100 metro inguruko hesi elektrikoa jartzen. Lerro Berdea deritzonak Zisjordanian lurraldeak Israeldik banatzen ditu.

George Bush AEBetako presidentearen eta Ariel Sharon Israelgo lehen ministroaren arteko bileraren ostean, Ekialde Hurbilerako nazioarteko konferentzia egitea ia ezinezkoa da. Batzar honen bitartez estatu palestinarra sortu ahal izateko bideak irekitzea nahi zuen Palestinako Aginte Nazionalak. Baina, horretaz gain beste hainbat gai ere eztabaidatuko ziren, horien artean izango litzateke 1967an Israelgo Armadak okupatu zituen lurraldeak itzultzeko aukera. Azken eskaera hau beteko balitz, Sharonek Gaza eta Zisjordia Palestina-ren esku utzi beharko lituzke, eta bertan bizi diren juduek Israelera itzuli beharko lukete.



JAMAL ARURI/EPA

Soldadu israeldarrek Ramala setiatu dute eta hainbat etxe miatu dituzte azken egunotan.